

Transkription von Urkunde PAR 1445b

Ort, Datierung: Parchim, 1445-06-27

Signatur: Landeshauptarchiv Schwerin, Acta civitatis PAR 94

Inhalt: Hans Cok vor Bürgerm. u. Schöppen v. Magdebg.

Vor allen luden Dye dissen breff zeen horen addir lezen bekenne Jk hans Cok Tideken Cokes sone dede Jchteswan(ne) Jn der Stad to parchem / wonaffich is ghewesin Dat Sodane twuuerdicheit ? Schel vnde rechticheit also Jk to der ergenam(ten) Stad to parchem dem rade Burghe(re)n / vnde Jnwone(re)n dar Sulues von mynes vederliken erues wegin Tideken Cokes selig(eren) hebbe ghehad wand an disse tijd offte hebben mochte / Jn welkerleye wijs addir wur von de sulue schel ghewein sie vnde twisschen vns beyden parten sik dar von ghemaket hefft js nv ? / Seuslik berecht vnde byghelecht also dat Jk vnde myne erue(n) noch nemend von vnsir wegen De Stad to parchem den rad burgeren vnd(e) / Jnwoner(en) dar sulich addir nemande von Erend wegin Sye vorder mer to Neyne(n) tijden dar v(m)me andedingen schullen Dar vor tho / berichtinge vnde guder vorrugginge mik dye Ersame Clauwes voys burgirmeist(ere) der alden Stad magdeburg von des obenbenomeden rades / burge(re)n vnde Jnwone(re)n der Stad to parchem wegin gegeue(n) vnde to danke wol betalet hefft vyertich stok alder ghemeynen crütze grossn / vnde hefft mik von orend weghin gheantwerd orer Stad vorsegelde gheleydes breff dar Jnne sie sik ok vorschreuen vnde affticht alles / Scheles tosa kinge vnde rechticheit ghedan hebben also sie to mik hadden offt(e) hebben muchten vnde Sowes Scheles vorscreue(ne) von vnsir / twiger parte wegin also dye twisschen vnd ghewesin is wend an desse tijd also datu(m) desses b(re)ues Jnne hold Js , also , eyne berichtede / ghefredede vnde sonde sake An alle gheferde vnde Je(n)nigherleie wedd sprake Dan by vnde ouer Sind ghewesin Dye Ersamen vnd(e) wijse(n) / lude also na schreue(n) Clauwes voys burghirmeister der alden Stad magdeburg Cone Rode , heyne we(n)nemer vnde bru(n) wantsleue Rades / Cu(m)pane hans harbscro vnde hans moringh burghir der gn(an)ten Stad Clauwes panchow vnde gregorius hoghe Radman(ne) von der Stad wegin / to parchem vnde thomerer bekantnisse So hebben wij Cone Rode vnde hans moringh(e) vorbenomet also dedingeslude der vorschreue(nen) be=/richte(n) sake v(m)me bede wille(n) hans Cokes dessen breff myt vnsen anhangede(n) Ingegesegelen witliken vorsegild der Jk mik hans cok gelik / myne(n) eygin Ingesegil an dessem breue ghebruke wan Jk sulues neyn Inges(egil) enebbe Gegheue(n) nach der bort (cristi) vnser he(re)n xiiij^c Jar dar / na Jn dem viffvndertichesten Jar(e) an dem Sondaghe vor sunte peder vnde pauwels daghe der hochgeloueden hilghen ap[ostolen]